

Festa di jogh da Pasca de Ma a Salzburg: sciöche vigni ann éla chësc ann dai 2 ai 5 de jügn. Inviá é i jogh da 12 agn inant y le prisc é de 115 €. Informaziuns sot a www.festderjugend.at o pro renate@valentini.cc

Pelegrinaje a Weissenstein dles vëdues, vëdúi y porsones sores dl Raiun da Bornech y Val Badia ai 29 de aurí. An pëia ia da S. Laurënz dales 07:45 y le iade y marëna costa 37 €. Prenotesse pro l'ufize KVV da Bornech al nr. 0474/411149.

Curs de formaziun sura la fede "La löm dla vita" cun Padre Giuseppe a La Ila ai 28 y 29 de aurí. Informaziuns pro Ingrid al nr. 331/8565697.



En vëndres, ai 28.04.2017 complësc **Maria Castlunger Pedratscher** te Ciasa de Palsa a S.Martin **87** agn y en sabeda, ai 29.04.2017 **Paola Valentini** da S.Linert **81** agn. Le Senioreclub y düt la comunité ti aoda düt le bun, sanité y benedisciun de Dî.


Le grup de tēmp lēde "Atmosfera" se incunta en jöbia ai 27 de aurí por jí tl urt Bergila a Issing a fá na spazirada, spiligaziun dles erbes y cun la poscibilité da fá n wellness de 5 menüc te na stüa de cir cun rames de barantli. La manifestaziun é debann mo i se periun da ves prenoté al nr. 0474 524552. Infos al nr. tel. 0474/524519. Düc é inviá.

Referat "Suizid – S'un jí zënza tó comié" en lönesc ai 24 de aurí dales 19:30 a Picolin tl Raiun Sozial adöm al'Assoziaziun Lichtung. Na serada cun Ruth Warger, Annemarie Tasser y le pere Schullian, geniturs atocá che dará na testimonianza de süa esperiënza cun so möt. Dedò pón fá domandes ai esperc. Düc é dër bel inviá.

Na mostra dl beat Josef Mayr Nusser podëise odëi te Ciasa de Palsa a S. Martin dal vëndres 24 de aurí ala jöbia 4 de ma.

Inauguraziun dla mostra "Le cerf" y referat de Luca Pedrotti en vëndres, ai 28 de aurí, dales 20:00 tla Ciasa dl Parch natural a Al Plan.

8%o por la Dlijia Catolica: cun na firma sön osta "denuncia dei redditi" o mod. CU podëise destiné l'8%o ala Dlijia Catolica. Implö podëise sosteni cun le 5%o val'atra organisaziun catolica o sozjala.




Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „A“ 23.04. - 30.04.2017 2° Domënia de Pasca n. 22

An die Auferstehung

Jesu zu glauben,
bedeutet, eine neue Schöpfung
jenseits des Todes zu erwarten.



Vangele dla Domënia che vëgn - 3° Domënia de Pasca

Lüca 24, 13-23

En chël pröm de dl'edema n'ël dui di discepui sön tru da jí te n paisc dal inom Emmaus, che é sessanta stadi dalunc da Ierúsalem. Ai baiâ danter èi de döt ci che ê sozedü. Tratan ch'ai baiâ y se cuntâ sü pinsiers, él gnü pomez Gejú y é jü impará. Mo sü edli n'ê nia bugn de le conëscë. Al i á damané: Ci èis pa tan da baié, tratan ch'i jëis por osc tru? Dailö ési stá chic döt desconsolá, y un de d'èi – al á inom Cleofas – ti á respognü: Este tan forest a Ierúsalem, che t'es le su da ne savëi nia, ci ch'al é sozedü dailö en chisc dis? Al i á damané: Ci pa? Ai ti á respognü: Ci ch'al n'ê sté cun Gejú da Názaret: Al ê n profet, potènt tles parores y tles opres dan da Idí y dan da döt le popul. Mo nüsc gragn proi y i surastanc l'á condané a mort y l'á fat mazé söla crusc. Nos indere ân speré, ch'al foss èl che salvass Israel. Y lapró él incö bele le terzo de da canche döt cant chësc é sozedü. Mo nia ma chësc: Ince valgönes ères de nosc cèrtnes á sprigoré cotan. Ares é stades da doman fora dal sepolcher, mo n'á nia ciapé so corp. Canch'ares é gnüdes derevers ares cunté, ch'al é aparí agnui che ti ess dít ch'al vir.

FUNZIUNS SACRES

23.04. 2^a DOMÈNIA de PASCA – Domènia Bianca

Domènia dla Divina Misericordia

- 09.30 Corona por la defunta Maria Alfreider Burchia
10.00 Mëssa por la Comunità (oferta por la solidarieté dl clero)
18.00 †to Sebastiano Bernardi - aniversar
†to Lois Irsara da Reslada
†to Manfred y süa familia en onur de S.Maria

25.04. Mertesc - S. Merch Evangelist

07.00 *Prozesciun te paisc – S. Mëssa*

- †ti Rudl, Teresa (Teia) y Nane Valentini – aniversar
†ta Maria Pescolliderungg Dapunt – aniversar
†ta Veneranda Ferdigg (dala uniu dles ëles)

26.04. Mercui - Mëssa cun i scolars

- 07.30 †ta Teresa Rottonara
per Silvia e Giuseppe
a d'intenziun

27.04. Jöbia

- 19.30 Zelebrazion dla Parora (cun i crejimanc)

28.04. Vëndres

- 07.30 †ta Kathi Canins - aniversar
†to Ilario Valentin - aniversar
†ti de Andrac

29.04 Sabeda – S.Ciascian, S.Vigile, S.ta Tarina da Siena


- 16.00 Mëssa a Oies

30.04. 3^a DOMÈNIA de PASCA – Kassiansonntag

- 10.00 Mëssa por la Comunità
18.00 †to Tone Campeï - aniversar
†to Pire Valentini - aniversar
†ta Teodora Boschetti – aniversar
†ti Bertoldi

**Siur Degan sará demez dal lünesc ala jöbia. En cajo de nezescité
cherdede sö Oies al nr. 0471/839635.**

Dala VITA dla CÛRA



La proscima **Preparaziun al Bato** sará la sabeda, ai 06.05.2017 dales 15:00 te calonia a La Ila. Geniturs che á n pice müt da batié é inviá a tó pert y a se prenoté al nr. 0471/849372.

Incuntada cun “umes präia deboriada” en mercui, ai 26 de aurí dales 20.00 te dljia. Düc é inviá, sègn dô Pasca, a gní a dí la via lucis y a perié por la pesc.

Legio Mariae: chësc grup se abina en jöbia, ai 27 de aurí dales 14:00 te calonia por n'ora de oraziun. Toleda pert.



Tolun pert al dolur di familiars dla defunta Maria Alfreider Burchia che en mertesc, ai 18.04.2017 t'eté de 89 agn é gnüda cherdada dal Signur. Che ala paises tla pesc eterna.

I crejimanc é inviá a gní en jöbia, ai 27 de aurí dales 19:30 ala Zelebrazion dla Parora.

Oferta de Carsëma: dër bel giulan y Dî s'al paies dla soma de 3.729,22 € che é gnüs trac ite tratan la Carsëma y en Vëndres Sanc.

Ci bela Pasca cun na bona preparaziun

Dan da n'edema unse festejé cun gran solenité la Pasca, festa dla vita por nos cristians. Siur degan nes á acompagné fora por l'edema santa cun de bogn pinsiers y nes á daidé a tó pert cun gran respet ales funziuns dër sintides dl “triduum pascalis”.

Bele fora por les 6 edemes dla carsëma unse ciafé tröpes ocaggiuns da se arjigné ca: la Via Crucis, le jiné, les Laudes, la Confesciun, la funziun penitenziala, les domënies de Carsëma cun sües letüres tan sotes. Ince i mituns á podü tó pert cun val' momënc particulars. Ai á ince arjigné ca les beles ciandëres da Pasca por les families.

N bel arichimënt y ligrëza á ince ciafé le grup de porsones, che s'á encunté plö sères cun siur degan, a baié de fede y a baraté fora esperiënzes y pinsiers. Ince chësc ann él sté le tru de “Exerzitien im Alltag” por n bel pice grup de porsones le gran mister dla Pasca.

Che chëstes beles ocaggiuns che nes é gnüdes dades y ch'un podü pié do, nes dëides madurí y nes fá sintí indò danü la ligrëza, che la fede pó nes scinché, sce la partiun cun i atri.

Rita dl Consëi de Cûra